

ԵՐԱՆԱՎ ԲԱԶՄԻԿ ԵԿԵՂԵՑԻ ԴՎԻՆԻ ՄԻՋՆԱԲԵՐԴՈՒՄ

Ա. Ա. ԲԱԼԱՆՔԱՐՅԱՆ, Կ. Կ. ՂԱՅԱԴՍՐՅԱՆ




1961—1962 թթ. Դվինի միջնաբերդում բլրի գագաթի արևելյան հատվածում բացվել են 29×12,5 մ չափերով ուղղանկյուն հեռանավ մեծ սրահի մնացորդներ: Սրահն ունեցել է ութ սյուն, յուրաքանչյուր երկայնական կողմում՝ շորսական: Տեղում պահպանվել է խարտիսիներից մեկը: Սրահի ողորկ, կրաշաղախ հատակը, որը խիստ խաթարված է վերին շերտերի շինությունների հորերով, ունի մանր քետաքարերով կառուցված հիմնաշերտ: Պահպանվել են միայն սրահի պատերի հիմքերը, որոնք շարված են սպիտակ ավազաքարով՝ և կավե շաղախով: Շինության ծածկն ամենայն հավանականությամբ եղել է փայտաշեն:

Կրաշաղախի հատակի կենտրոնում հստակ ուրվագծվում են կիսաբոլոր հատակաղծով ինչ-որ կառույցի հետքեր, որոնք հավանաբար պատկանել են այդտեղ տեղադրված ամբիոնի վամ գահավորակի: Այս նկատառմամբ էլ կառույցն անվանվել է գահանիստ գահլիճ և վերագրվել Արշակունի հայ մթազավորներին¹: Ոչ մի կասկած չի հարուցում շինությունը IV դ. թվագրելը և այն, որ Ղա Արշակունիների շինարարական գործունեության արդասիք է: Նուշարձանի շերտագրական քննությունը ցույց է տալիս, որ շինությունը 640 թ.՝ արաբների առաջին արշավանքի ժամանակ քանդվել է: VI դ. եռանավ գահլիճի տեղում, ըստ երևույթին, գտնվել է քաղաքի դիվանը, որտեղ պահվում էին տարբեր բնույթի փաստաթղթեր: Փոքր սենյակներից մեկում, որի հատակը սյունազարդ սրահի հատակից մոտ 1 մ բարձր էր, գտնվել են մեծ քանակությամբ կնքադրոշմներ²: VII դ. սկզբներին, երբ Դվինի միջնաբերդում կառուցվում է արաբ ոստիկանի կավակերտ պալատը, սյունազարդ դահլիճի արևմտյան թևը արիվ քանդվում է, իսկ հատակը մասամբ խորացվում: Դահլիճի արևելյան թևը պատի հետ մեկտեղ նույնպես խիստ ավերված է և այժմ հնարավոր չէ վերականգնել նրա հատակաղծի այդ հատվածը:

Գահանիստ գահլիճի հատակաղծի վերականգնման առաջին փորձը (աղ., նկ. 1, հեղինակ՝ Դվինի արշավախմբի ճարտարապետ Գրիգոր Քոչոյան), դեռևս 1960-ական թվականներին յուրջ տարակարծություններ առաջացրեց: Շինության ֆունկցիոնալ նշանակության վերջնական որոշման կապակցությամբ 1983—1985 թթ. գահանիստ գահլիճը մեք կողմից լրացուցիչ մանրակրկիտ ուսումնասիրվեց և կատարվեցին պեղումներ: Այդ աշխատանքների ժամանակ պարզվեց հետևյալ պատկերը: 1. Եռանավ գահլիճն առանձին կանգնած շինություն է՝ առանց կից սենյակների, որ բնորոշ չէ պալատական կառույցներին: Դահլիճի հյուսիսային և հարավային կից հատվածների սսորին շերտերի պեղումները երևան բերեցին անտիկ շինությունների մնացորդներ, որոնց պատերը գտնվում են անմիջապես գահլիճի հատակի տակ: Շերտագրական այս պատկերը թույլ է տալիս ենթադրելու, որ շինությունը կառուցվել է քաղաքի հիմնադրումից անմիջապես հետո, առաջին շինարարական փուլում, IV դ. 30-ական թվականներից հետո: Այս ենթադրությունը հիմնավորվում է նաև նյութական մշակութային տվյալներով:

1 Կ. Գ. Ղալաբյան, Դվինում պեղված ճարտարապետական կրկու հուշարձան, (Պատմա-բանասիրական հանդես, 1979, № 4, էջ 119—126), նույնի՝ Դվին քաղաքը և նրա պեղումները, II, Երևան, 1982, էջ 89—96:

2 А. А. Калантарян, Раннесредневековые буллы Двина, Ереван, 1982.



3

2. Կառույցի ի որ հետազոտություններն: Լապես փոխեցին նրա հատակագծային հորինվածքի վերաբերյալ եղած պատկերացումը (աղ., նկ. 2): Քր. Քոչոյանի վերականգնած հատակագծում կողմնային նավերի լայնությունը 2,7 մ է, իսկ կենտրոնականինը՝ 7,1 մ: Կրաշաղախ հատակի վրա

հստակ գծագրվող խարիսխների տեղադրության նորահայտ հետքերի շնորհիվ ճշգրտվեցին այս շափերը, որոնք կազմում են համապատասխանաբար 3,4 մ և 5,8 մ: 1962 թ. պեղումների լրաանկարները և շափագրությունները ակնհայտորեն ցույց են տալիս, որ միակ պահպանված խարիսխը գտնվել է գրեթե իր տեղում, և, մեզ համար անհայտ պատճառներով, վերականգնված դժագրում այն տեղադրվել է մեծ շեղումով:

3. Նոր պեղումներով պարզվեց, որ բոլոր խարիսխների տակ եղել են տուֆի և ավազաքարի մեծ բլոկներից շարված տարբեր շափերի ուղղանկյուն կամ քառակուսի հիմնահարթակներ, որոնց կենտրոններում կանգնեցվել են քառանկյուն սյունախարիսխները: Հարթակները, անկասկած, կառուցվել են հնարավոր նստվածքները մեղմելու նկատառումով: Հավանաբար, շինարարները հաշվի են առել այն հանգամանքը, որ նախորդ շրջանի կառուցումները այդ տեղում բավականին թուլացրել են հիմնահողը: Հիմնահարթակների սրբատաշ քարերը պատկանել են արդեն ավերված ինչ-որ մոնումենտայ շինություն: Այդ քարերի վրա պահպանվել են կրաշաղախի և կարմիր ու սպիտակ ներկերի հետքեր, հավանաբար՝ որմնակարների մնացորդներ: Կան նաև պատուհանների բացվածքների կամ խորշերի անկյունաքարեր: Շինարարական տեխնիկայի տեսակետից այս հանգամանքը, որոշ տարակուսանք է առաջացնում, քանի որ այս տարածաշրջանի մոնումենտայ բոլոր կառուցվածքները եռանյւ սրահի նաև նախորդող՝ անտիկ և անցման շրջաններում, սովորաբար կառուցվել են տեղական սպիտակ ավազաքարով, և տուֆի մեծ բլոկների օգտագործումը հազվադեպ երևույթ է եղել: Կիրճ՝ որպես շինանյութ հաճախ է օգտագործվել ուշ անտիկ ժամանակաշրջանում (Գառնի, Արտաշատ): Դվինում նախապես այն հանդիպում է վաղ քրիստոնեական կառուցվածքներում, որոնք կարող էին քանդվել IV դ. 60-ական թվականներին՝ Շապուհ Բ-ի արշավանքների ժամանակ, կամ V դ. 40—50-ական թվականներին՝ Սասանյան իրանի դեմ մղված աղատագրական պայքարի տարիներին, երբ մի շարք բնակավայրեր ավերվում են:

Թվում է, թե ամենահավանականն այն է, որ V դ. կեսերին սյունազարդ դահլիճը վերակառուցվել է, որի ժամանակ դրվել են սյուների հիմնահարթակները:

4. Այս վերակառուցման ժամանակ նորոգվել է նաև սրահի հատակը և երեսապատվել կրաշաղախով: Դահլիճի ներսում, տարբեր հատվածներում պահպանվել են ամուր տոփանած կավե նախնական հատակի մնացորդները: Երկու հստակների բարձրությունների միջև տարբերությունը կազմում է մոտ 20 սմ: Միջանկյալ այս շերտում, հատկապես դահլիճի արևելյան իևում, հանդիպում են տափակ և կիսակլոր կղմինդրների բեկորներ: Դրանք իրենց ֆակտուրայով և մշակումով կրկնում են կենտրոնական թաղամասի VII դ. կաթողիկոսարանի հատակի տակից գտնված կղմինդրների ձևերը, որոնք պատկանել են պայատի հարևանությամբ գտնվող կաթողիկե եռանյւ տաճարի օձակին: Անկասկած, միջնաբերդի սյունազարդ դահլիճն լուսեցել է նույնպես կղմինդրե ծածկ, սակայն ոչ մի հետք չի մնացել վերջինիս կոնստրուկտիվ ձևերի վերաբերյալ: Մեզ թվում է, որ ծածկի ձևի որոշման խընդրում կարևոր նշանակություն ունեն ինչպես թուրքների բացարձակ շափերը, այնպես էլ սյուների հեռավորությունների հարաբերությունը դահլիճի լայն նության հետ: 1987 թ. դահլիճից հարավ կատարված պեղումների ժամանակ գտնվել են հարյուրավոր նման կղմինդրների բեկորներ, որոնք որոշակիորեն թվազրվում են IV դ. վերջ—V դ. սկզբով:

5. Դահլիճի կենտրոնական գահավորակի և հարավային պատի միջև բացահայտվել են երեք թաղում, այդ թվում՝ մեկը մանկան: Ելնելով այն հանգամանքից, որ թաղումներից մեկը անմիջապես խարիսխի տակի հարթակի մեջ է, պետք է ենթադրել, որ դրանք կատարվել են կառույցի ավերումից հետո՝ VII դ.: Գերեզմանների առկայությունը դահլիճի ներսում ենթադրում է սյունազարդ դահլիճի պաշտամունքային շինություն լինելը:

Այսպիսով, դահլիճը ներկայացնում է V դ. կառուցված հայկական եռանավ բազիլիկ սրահների վաղագույն ձևերից մեկը: Դահլիճի՝ եկեղեցի յինելու փաստը հաստատվում է ժանրակազմի կրկաններով: ա) Շինությունը ճիշտ կողմնորոշված է արեմուտքից արևելք, որն առաջին հերթին բնորոշ է բրիտանոնեական կառույցներին: բ) Այն ներկայացնում է առանձին կանգնած կառույց, որը հատուկ է վաղ քրիստոնեական պաշտամունքային հուշարձաններին: գ) Կարևոր նշանակություն են ձեռք բերում շինության ներքին թաղումները և քննարկումները: Որպես կանոն, միջնադարյան դեկորատիվները ե թաղումները նկատվում են եկեղեցիների շրջակայքում, շատ հազվադեպ՝ ներսում: Դվինում թաղման այս ավանդույթը շարունակվել է նաև սրահի ավերումից հետո՝ և, հավանաբար, այստեղ թաղվել են 640 թ. քաղաքի ավերման ժամանակ զոհված բնակիչներ, դուցե հոգևորականներ: դ) Դվինի՝ քննարկվող եռանավ սրահի հիմնական բաղադրամասերից է կենտրոնական դահլիճը: Այն արքունի կառույցների հետ կապելու ոչ մի ապացույց չկա, և միտք չունի նրա մեջ տեղանքի արքունի գահավորակ: Այդպիսի գահավորակները (bēma) յայն տարածում ունեին վաղքրիստոնեական ասորական միանավ և եռանավ բազիլիկաներում³: Դրանք հայտնի են հատկապես Ասորիքի հյուսիսային շրջաններում (Մինհար՝ IV դ. կես, Քիրքբեդե՝ IV դ., Քֆեիր՝ V դ., Քարբուզե՝ V դ. վերջ և այլն): Դվինի բազիլիկայի գահավորակը իր հատկագծով գրեթե կրկնում է Բրադի սբ. Լուիանոս եկեղեցու (399—402 թթ.) գահավորակը (աղ., նկ 3)⁴:

Դվինի եռանավ սրահը նման մասնամասններով, հայկական վաղմիջնադարյան պաշտամունքային հուշարձանների մեջ առաջիմ միակ պահպանված օրինակներից է: Սրահի որոշ հատվածներ անձեռնմխելի են մնացել: լոկ այն պատճառով, որ քանդակույց հետո շին վերականգնվել, և հատկապես ճակին հորինվածքի շատ մանրամասներ պահպանվել են անփոփոխ՝ սկզբնական տեսքով: Դվինին ժամանակակից հայկական միանավ և եռանավ սրահները դարերի ընթացքում բազմիցս վերակառուցվել են, որի հետևանքով նախնական շատ հանգույցներ խիստ փոփոխվել են: Դա կարող էր տեղի ունենալ հավանաբար VI դ. կեսերից, երբ հայ-ասորական եկեղեցական հարաբերություններում նկատվում է վերջնական խզում, որն, անշուշտ, իր արտահայտությունը պետք է գտնել պաշտամունքային կառույցների ձևավորում և ներքին հարդարանքում:

Հայ-ասորական ճարտարապետական փոխհարաբերությունների վերաբերյալ կարծիքները մինչև այժմ շատ պատահական լինել են կրել, և դրանք արժանի են խորազնին ուսումնասիրության: Խնդրո առարկա հարցին հատուկ հոգված է նվիրել Ա. Յակոբսոնը⁵: Դեռ դարասկզբին Ն. Մառզ գրում էր, որ «այդ վաղ ժամանակներում արևելահայկական եկեղեցին սերտ, այդ թվում բացառիկ կապերի մեջ էր ասորականի հետ», որ «քրիստոնեությունը Արևելյան Հայաստանում սկզբնապես օրգանական կապի մեջ էր Ասորիքի հետ, որտեղից եկեղեցական հոգևոր բովանդակության հետ մուտք էին գործում, հավանաբար, քրիստոնեական ճարտարապետության ձևերը»⁶, Ն. Տոկարակին նույնպես չի ժխտում՝ «Հայկական և ասորական վաղ քրիստոնեական որոշ հուշարձանների նմանությունը, որը երբեք չի նվազեցնում ոչ նրանց գեղարվեստական արժանիքները և ոչ էլ հայ վարպետների հիանալի տաղանդը: Դա բացատրվում է ոչ թե շինարվեստի և ճարտարապետական մտքի ցածր աստիճանով, այլ ճարտարապետական թևամայի նորությունով, որը պայմանավորված էր հայերի համար դեռևս անսովոր քրիս-

³ G. Tchalenko, Villages antiques de la Syrie du Nord. Le massif du Belus a l'époque Romaine, II, Paris, 1953, t. IX, 1, X, 1, XI, 1—3, 6.

⁴ Նույն տեղում, աղ. X, 1:

⁵ А. Л. Якобсон, Армения и Сирия. Архитектурные сопоставления (Византийский временник, т. 37, М., 1976, с. 192—206).

⁶ Н. Я. Марр, Еревуик, Ереван, 1968, с. 29, 30, 37.

տոնեական եկեղեցական ճարտարապետության առանձնահատկություններով⁷:

Դվինի միջնաբերդում բացված եռանավ սրահը հայ քրիստոնեական ճարտարապետության վաղագույն օրինակներից է, հայ-ասորական ճարտարապետական սերտ փոխհարաբերությունների արդյունք: Ամենայն հավանականությամբ, այն հիմնադրվել է IV դ. երկրորդ կեսին: Բազիլիկան դարձրել է գոյություն ունենալուց VI դ. կեսերին, մեղ անհայտ պատճառներով: Վաղ միջնադարյան գրավոր սկզբնաղբյուրներից հայտնի է, որ 554 թ. Դվինի եկեղեցական ժողովը որոշում է կայացնում քանդել Մանաճիհր Ռաթկի նեստորական եկեղեցին Դվինում⁸, սակայն ոչ մի հիմք չկա այդ վկայությունները կապելու Դվինի հիշյալ բազիլիկայի հետ: Ճիշտ է, նեստորականները V—VI դդ. Ղվինում բավական մեծ ուժ էին ներկայացնում և, ըստ ներկայիս, ունեին իրենց պաշտօնը: Սակայն սխալ կլիներ մտածել, որ նրանք միջնաբերդի զագաթում կառուցել են իրենց եկեղեցին, քանի որ օտարերկրյա տարրն ընդհանրապես փնակվում էր քաղաքի արվարձաններում, մի հանգամանք, որը տեղական իշխանություններն առաջին հերթին կապում էին պաշտպանական նկատառումների հետ:

Եկեղեցին քանդվելուց հետո շենքը տիրիջ Ֆունկցիոնալ նշանակություն է ձեռք բերում: 1959—1961 թթ. Դվինի պեղումների մասնակիցների դաշտային օրագրերի մանրագնին քննությունից պարզվում է, որ սրահի տեղում վերին շերտերում եղել են կավաշեն պատերով փոքր սենյակներ (դժբախտաբար պահպանված գծագրերը և բուսանկարները հասվածի լրիվ պատկերը չեն ամբողջացնում): Ինչպես նշվեց, այդ սենյակներից մեկում հայտնաբերվել են VI—VII դդ. մոտ 20 կնքադրոշմ: Սրահի արևմտյան թեղում պեղվել է ոսկերիչ-ականագործի այժեհատանոց, որտեղից դուրս է պատրաստի արտադրանք և կիսաֆարիկատ⁹:

Կառույցը վերջնականապես կործանվել է 640 թ.: Ամբողջ տարածքը ծածկված է մոխրի հաստ շերտով, որը արաբների ավերումների հետևանք է: VIII դ. սկզբում այստեղ կառուցվել է հում, մեծ աղյուսներով շարված հաստ պատերով պալատական մեծ համալիր: Ըռանավ սրահ, իսկ հետագայում հասարակական-տնտեսական նշանակությամբ շինության պատերը քանդվում են, իսկ հիմքերը մնում են նորակառույց պալատական շինության տակ:

ТРЕХНЕФНАЯ БАЗИЛИЧНАЯ ЦЕРКОВЬ В ЦИТАДЕЛИ ДВИНА

А. А. КАЛАНТАРЯН, К. К. КЛАДАРЯН

Резюме

В 1961—1962 гг. на вершине двинского холма были найдены развалины большого трехнефного зала IV в., в центре которого выделялся полукруглый план кафедры или тронной возвышенности, и поэтому сооружение получило название тронного зала Аршакидских царей. Детальное изучение памятника и дополнительные раскопки последних лет приводят к выводу, что колонный зал—сооружение культового характера и представляет собой одну из ранних форм трехнефной базилики, в которой отражается тесная связь армянской и сирийской архитектуры.

⁷ Н. М. Токарский, Архитектура Армении IV—XIV вв., Ереван, 1961, с. 73.

⁸ Գիրք թղթոց, Թիֆլիս, 1901, էջ 72—73, Հ. Ղ. Վ. Ալիշան, Այրարատ, ՎեՆետիկ, 1890, էջ 413—414:

⁹ Կ. Ղաֆադարյան, Դվին քաղաքը և նրա պեղումները, II, էջ 59—62: